

VENDIM
Nr.873, datë 14.12.2011

**PËR SHPRONËSIMIN, PËR INTERES PUBLIK, TË PRONARËVE TË PASURIVE TË
PALUAJTSHME, PRONË PRIVATE, QË PREKEN NGA ZGJERIMI I VARREZAVE
PUBLIKE, FAZA III, NË BASHKINË E FIERIT**

Në mbështetje të nenit 100 të Kushtetutës dhe të neneve 5 pika 1, 20 e 21 të ligjit nr.8561, datë 22.12.1999 “Për shpronësimet dhe marrjen në përdorim të përkohshëm të pasurisë, pronë private, për interes publik”, me propozimin e Ministrit të Brendshëm, Këshilli i Ministrave

VENDOSI:

1. Shpronësimin, për interes publik, të pronarëve të pasurive të paluajtshme, pronë private, që preken nga zgjerimi i varrezave publike, faza III, në bashkinë e Fierit.

2. Pronarët e pasurive të paluajtshme, që shpronësohen, për sipërfaqen prej 5000 (pesë mijë) m² tokë arë, pronë private, paraqiten sipas tabelës bashkëlidhur këtij vendimi, e cila është pjesë përbërëse e tij.

3. Masa e shpërblimit të pronarëve, pasuritë pronë private të cilët shpronësohen, është 5 000 000 (pesë milionë) lekë. Vlera e përgjithshme e shpronësimit përballohet nga të ardhurat e bashkisë së Fierit, planifikuar në buxhetin e saj.

4. Afati i përfundimit të procedurës së shpronësimit të jetë tre muaj pas datës së hyrjes në fuqi të këtij vendimi.

5. Vlera e shpenzimeve procedurale të përballohet nga bashkia e Fierit.

6. Afati i përfundimit të punimeve për këtë objekt të jetë në përputhje me afatet e parashikuara nga bashkia e Fierit, për realizimin e këtij projekti.

7. Shpronësimi bëhet në favor të bashkisë së Fierit. Regjistrimi i ri i pasurisë prej 5 000 (pesë mijë) m² tokë arë, shpronësuar në favor të bashkisë së Fierit, të bëhet brenda 30 (tridhjetë) ditëve nga data e hyrjes në fuqi të këtij vendimi.

8. Ngarkohen Ministria e Brendshme dhe bashkia e Fierit për ndjekjen e zbatimit të këtij vendimi.

Ky vendim hyn në fuqi menjëherë dhe botohet në Fletoren Zyrtare.

KRYEMINISTRI
Sali Berisha